



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Deputationis Coadjutoris Parochi Formular XV.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

ADNOTATIONES.

1. PRESBYTERO SÆCULARI.

Non debet Episcopus pro exercenda Cura Animarum in Ecclesiis sibi subjectis uti opera Regularium, nisi ob penuriam Presbyterorum Sæcularium idoneorum, & non nisi ad breve tempus, sic respondit *Sacr. Congreg. Episc. & Regular. Episc. Albinganen. 23. Julii 1585.*

2. VACANTE. Sive Ecclesia Parochialis vacet per mortem, sive per renunciationem, aut affectuionem alterius Beneficii incompatibilis, deputatur Æconomus, ut docet *Barbos. supra Conc. sess. 24. cap. 18. num. 38. de Reform.*

3. AD QUOS SPECTAT. Vicarium, sive Æconomum deputare in Ecclesiis Parochialibus vacantibus tam sæcularibus, quam Regularibus, & Jurispatronatus, ac exemptis, pertinet privative ad Episcopum; nec ullus inferior, qui non habet jurisdictionem quasi Episcopalem cum facultate congregandi Synodum, potest in ista deputatione se ingerere, quamvis alteri, quam Episcopo collatio competeret Beneficii, *Garz. de Benef. par. 9. cap. 2. n. 10. & 128. Barbos. de offic. Episc. alleg. 60. n. 3. & 4. & supra Concil. d. c. 18. sess. 24. n. 32. Nicol. in fosc. verb. Æconomus n. 7. & seqq. Fagnan. in cap. Cum nos n. 7. de offic. Ord. Ricc. prax. for. Eccles. par. 1. resol. 505. n. 3. Sac. Congr. Concilii in Pisana 17. Martii 1696.*

4. Si verò agatur de Æconomò deputando propter absentiam Parochi, tunc illius nominatio regulariter ad ipsum Parochum spectat, quamvis inquisitum, cum approbatione tamen Episcopi, per quem fit Congruæ assignatio, *Sac. Cong. Episc. in Mileten. 7. Decembr. 1691. referente Eminentiss. Carpineo, & Sac. Congr. Concil. pariter in Mileten. 7. Junii 1692.*

5. SIVE ÆCONOMUM. Vicarius in ista deputatione dicitur etiam Æconomus, quia debet habere custodiam, & administrationem bonorum Ecclesiæ vacantis, *Garz. de Benefic. d. part. 9. d. cap. 2. n. 18. Gallemart. supra Concil. dict. c. 18. sess. 24. de Refor. n. 9. & de illis rationem reddere, Fagnan. in d. c. cum nos num. 27. de offic. Ordin.*

6. DONEC DE RECTORE PROVIDEATUR. Quia Vicarius sive Æconomus semel constitutus cum congruæ assignatione non potest sine causa removeri, ut dicit *Barbos. supra Concil. dict. cap. 18. sess. 24. n. 44.*

7. CUM CONGRUA. Æconomò deputato Congrua assignanda, & taxanda est arbitrio Episcopi ex fructibus Parochiæ, quæ ponderatis qualitate personæ, Beneficii vacantis, & loci, potest esse duorum aureorum in singulos menses; nisi aliquis sit jure obligatus ad suppleendum, quando fructus sunt tenues, *Garz. de Benef. part. 9. cap. 2. n. 15. Rot. coram Arguell. decis. 47. n. 9. Panimol. decis. 15. adnot. 2. n. 39. & 40. Barbos. de Offic. Episc. alleg. 60. num. 2. in fin. Et si illi assignata Congrua non reperitur, possit salarium petere, ut ex glos. in cap. Charitatem 8. quæst. 2. verb. Hoc intellige, dicit Escobar. de ratiocin. cap. 27. n. 50. usque ad summam dari solitam à Camera Apostolica, ubi percipit spolia Ecclesiarum vacantium *Sacr. Congr. Episcop. in d. Mileten. 7. Decembr. 1701.**

Deputationis Coadjutoris Parocho imperito, vel inutili.

FORMULA XV.

SYMMARIVM.

- 1 Episcopus deputat coadjutorem Parocho imperito, etiam in Parochiali exempta.
- 2 Parochi, quando possint ab Episcopo subijci, & vocari ad novum examen, & num. 3.
- 4 Congrua si non sufficiat Parocho, & Coadjutori, Parochiani tenentur alimenta Coadjutori præstare.
- 5 Coadjutor Parochi in absentia Coadjuti præcedit Beneficiatos, & recipit eadem emolumenta, quæ Coadjuto debentur.
- 6 Coadjutor datur Parocho juveni, cui Mulieres confiteri non consueverunt, & in aliis casibus, qui hinc enumerantur.

N. Episc.

N. Episcopus. N.

Dilecto &c.

EXpedit magnoperè Animarum saluti à dignis, atque idoneis Parochis gubernari. Ut igitur id juxta Concilii Trid. Decreta salubriter exequatur, Te, de cujus moribus, & idoneitate per Nos, & Examinatores nostros recognita, plurimum in Domino confidimus, in *Ecclesia Parochiali* N. loci N. in qua N. Parochus, licet vitæ honestæ, ob illius imperitiam, & illiteraturam *inutilis detectus fuit*, Coadjutorem, seu Procuratorem illius, ejusque Ecclesiæ, & Curæ, auctoritate Apostolica nobis delegata, tenore præsentium, constituimus, & deputamus *cum Congrua* d. Ecclesiæ fructuum portione scut. annuatim tibi ab eodem N. Parocho liberè pro rata quolibet mense perfolvenda, cum obligatione tamen tibi injuncta residendi, onera Curæ sustinendi, & cum plena facultate Divina Officia, & *Parochiales functiones* celebrandi, Sacramenta ministrandi, & alia onera, & munia obeundi, quæ Animarum quilibet Parochus obire, & præstare solet. Præsentibus usque eò duraturis, donec dictus Parochus habilis, & idoneus regimini Curæ reddatur. In quorum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

IN ECCLESIA PAROCHIALI. In hac specie deputationis Coadjutoris, quæ fit ab Episcopo facultate delegata à Concilio c. 4. & 6. sess. 21. de Refor. ob imperitiam, & illiteraturam Parochi, procedit ejus auctoritas, etiam in Parochiali exempta, ut probat Barbof. supra d. cap. 6. num. 1. & de offic. & potest. Episc. alleg. 63. num. 6. & seqq.

2. INUTILIS DETECTUS FUIT. Si agatur de Parocho examinato, & approbato in concursu ab eodem Episcopo, tunc imperitia illius non nisi ex noviter supervenientibus, etiam extrajudicialibus indicijis per novum examen detegi poterit: Si verò agatur de Parocho approbato ab Antecessore Episcopo, poterit absque alio indicio, & diffamatione, illius inhabilitas recognosci per examen, cui quatenus Parochus subjici renuat, poterit Episcopus eum suspendere, & Coadjutorem deputare, ut probant Gonzal. ad

reg. 8. Cancell. glos. 5. §. 9. num. 29. Garz. de Benef. part. 4. cap. 5. num. 7. Barbof. de offic. Episc. alleg. 63. n. 6. Card. de Luc. de Paroch. disc. 16. per tot. cum aliis ad saturitatem adductis à Rot. in decis. 257. & 258. part. 19. rec.

3. Verum tamen est, quod Episcopus ad proximam sententiam hanc non debet deducere, nisi rarò, cum magna cautela, & non nisi præcedente diffamatione, seu conjectura imperitiæ Parochi, ne bonam famam, quæ impinguat ossa, Proverb. 15. amittat.

4. CUM CONGRUA. Hanc Congruam Episcopus taxat non tantum auctoritate Concilii c. 4. & 6. sess. 21. & c. 18. sess. 24. de Refor. sed etiam juris communis in cap. de Rectoribus de Cleric. ægrot. ubi Fagn. n. 9. Quæ si ob exiguitatem fructuum Parochialis non posset ad honestam quantitatem reduci, & redditus Parocho, (qui esset præferendus, & Coadjutori non sufficerent pro sustentatione, tunc Parochiani deberent Coadjutori ali-

T 4

menta

menta subministrare, ut dicit Fagnan. in d. c. de Rectoribus num. 12. & 13. de Cler. aegrot.

5. ET PAROCHIALES FUNCTIONES. Parochi Coadjutor in absentia Coadjuti in functionibus Parochialibus præcedit Beneficiatos, & recipit eadem emolumenta, quæ Coadjuto debentur, Sac. Congreg. Concilii in Lucana 15. Aprilis 1690.

6. Si autem Coadjutor daretur propter juventutem Parochi, cui Mulieres confiteri non confiderent, prout dari potest, ex Nicol. in flos. verb. Coadjutor n. 6. vel ob aliam causam, puta infirmitatis, lepræ, dementiæ, vel numerositatem populi, de quibus habes apud Ricc. prax. for. Eccles. part. 1. resol. 504. secundum Venet. impres. 1674. tunc poteris uti eadem Formula, mutata tantum causa deputationis.

Deputationis Æconomi in Parochiali spectante ad Capitulum.

F O R M U L A XVI.

N. Episcopus N.

Dilecto &c.

CUM Tu à RR. DD. Dignitatibus, Canonicis, & Capitulo Ecclesiæ nostræ Cathedralis in Æconomum, sive Curatum Ecclesiæ Parochialis S. N. loci N. (ad quos jus nominandi spectare dignoscimus) præsentatus, & nominatus extiteris, prout ex actis constare, Nobis relatum fuit; Teque vitæ, ac morum honestate, scientia, ac aliis requisitis ad Curam Animarum administrandam per examen, aliisque Testimoniis fide dignis respectivè præditum esse dignoverimus: Æconomum, sive Curatum amovibilem, tamquam habilem, & idoneum in Parochiali prædicta confirmamus, eligimus, & approbamus, tribuentes tibi, durante officio, facultatem opportunam Missas Parochiales, & alia Divina Officia celebrandi, Sacramenta omnia administrandi necnon cetera munia Parochialia exercendi; te in Domino admonentes, ut in edocendo doctrinam Christianam sedulò incumbas; assignata tibi Congrua fructuum dictæ Parochialis portione scut. . . . per dictum Capitulum annuatim, & pro rata respectivè singulo mense liberè persolvenda. In quorum, &c.

N. Episcopus N.

Loco ✠ Sigilli.

N. Cancellarius Episcopalis.

Præsentationis Curati amovibilis ab Universitate faciendæ.

F O R M U L A XVII.

DIE . . . mensis . . . anni . . . comparuit in hac Curia Episcopali N. N. Syndicus, & Procurator Universitatis loci N. prout docuit de mandato